



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五六五

木雞書屋文鈔四卷木雞書屋文二集六卷木雞書屋文三集八卷

木雞書屋文四集六卷木雞書屋文五集六卷 黃金臺撰

木雞書屋詩選六卷左國閒吟一卷 黃金臺撰

北山文鈔四卷北山詩鈔五卷 姜文衡撰

景紫堂文集十四卷 夏炘撰

留耕草堂初稿六卷 鄒堯廷撰

七二七

五一九

四一

三四七

一

木雞書屋文初集

心隱樓藏板

序

平湖黃鶴樓海聞強識詩歌傳誦一時而尤長於騷四
儷六之文其文比詞屬事議論層出不窮曠然有凌轢
前古之志近時作者未能以先也予觀騷體文自班張
潘陸以降至徐庾而體備至唐人而法始全五代兩宋
變之至於無可復變由是廢墜不振者四百餘年國
朝諸公起而繼之乃一變而復於古彬彬乎質有其文
可謂盛矣沈休文浮聲切響之談司馬相如經緯虛實
之論雖不專言騷體而騷體之妙實盡於此顧今之爲
騷體者雕繪塗澤不能情文相生以暢其意又其甚者
麗鴻浩汗詞愈繁而旨愈晦柳河東所謂植麒麟販鳳
木雞書屋文鈔 序

鳳者也鶴樓熟精文選文粹二書而於南北朝史事尤
兼綜條貫取材以濟其用故其文能於重規疊矩中運
清剛雋上之氣而言之短長聲之高下一一合於義法
視世之師心自用者異焉可謂有物有序也已夫才如
鶴樓早宜致身通顯乃屢試不得當年將四十尚浮湛
諸生籍中當其苦心孤詣時無知音必鬱鬱不能自已
予以爲無傷也天之生物抑之久則揚之愈光昔陳迦
陵毛西河諸先生皆以沈博絕麗之學遭逢晚歲安見
志乎古者必遺乎今耶鶴樓其益肆力於此以成不朽
盛業可也道光六年三月三日吳興徐熊飛

抽黃對白駢四儷六小儒以爲壯夫不爲矣不知四六一體雖出梁人雕龍章句篇云四字密而不促六字格而非緩其實遠本義畫若詩之觀閱既多受侮不少豈不爾愛既其女遷傳之巢隕諸樊閭戕戴吳欲徵福於周公願乞靈於臧氏猶其後焉者也書家有楷書畫家有界畫夫不楷尉律知魯公漏痕爲何言不通水經則飛卿澀澀爲何狀江河不廢少陵氏之所以服膺四傑者此其所以光燄萬丈與我友鶴樓黃君以彈見洽聞之學發而爲沈浸醲郁之文亦既高攀徐庾上薄風騷矣而論古有識與時不乖集中如史論別傳諸作合彥和知幾爲一手固非摘詭熏香之苟爲炳炳烺烺者比

木雞書屋文鈔

序

也鶴樓年甚富學日新而虛懷若谷不恥下問昔薛道衡凡所著作輒使顏籀掎摭得失近者梅村先生隸事有疑誤招周元秦就問之以故傳於後者光景長新歷劫不磨鶴樓其有古人之風乎此舉足以傳矣歲乙酉鶴樓哀其駢體文若干卷將授諸剞劂氏屬爲之序余不文無以當元晏異日洛陽紙貴挂名其閒庶幾附驥尾而千里則厚幸焉道光五年十月德水許河拜譔

黃君鶴樓善爲駢儷之文其文縱橫排蕩才辨不窮嘗以質於雪廬徐先生先生亟稱之予昔從先生學文先生爲予言駢儷之體至唐大備燕許尙已四傑齊名類能於莊雅豐瞻之中寓清適婉折之致故波瀾重疊而尋味不厭熟其軌範以溯源於任沈徐庾蹊徑融冶爲能得古人之神明又言行文之妙在審虛實虛實相生斯章法句法各得其宜而氣韻出焉文之有駢體猶詩之有今體也沈休文云前有浮聲則後須切響一簡之內音韻盡殊兩句之中輕重悉異以之施於今體詩駢體文如金科玉律之不可踰越背而馳焉雖藻采斐然要未足與道古蓋先生之論如此既而綜觀六朝三

木雞書屋文鈔

序

唐之製無不與先生言脗合竊嘗服膺斯言以爲準的而數年來奔走衣食未獲專一從事於此故迄未有成近世固多作者然嗜古者病鈎棘尙新者病破碎其有高材絕出之士又務爲恢奇以震炫耳目求合於古者鮮矣况能神明變化以成一家之言哉鶴樓才氣卓卓十倍於予就今所爲已能絕去近世之弊試由先生言以窮討源流爲之不已則其文豈特一時之儔哉雖幾古作者無難焉予與鶴樓爲同門友序其文因述所聞於師者共証之道光乙酉季冬門愚弟方垌拜題

木雞書屋文鈔目次

平湖黃金臺鶴樓

卷一

齊武王論

姜維論

王導謝安論

崔浩論

周世宗論

燕王靖難論

楊忠烈公論

仙說

木雞書屋文鈔

目次

卷二

何公子水仙吟館詩鈔序

方子春白華田舍詩集序

林雪巖菊泉山館詩集序

費春林十六國春秋雜事詩序

送趙琳園明府乞病解任序

徐巖峰明府慈谿送行詩序

送李嘯山歸蔚州序

送陸沅鄉之官福建序

張桓侯八濠山題字跋

號國夫人早朝圖跋

書庭聞錄後

書蜀碧後

卷三

李忠毅公傳

卽墨李公傳

強忠烈公傳

福建布政使李許齋先生傳

宋陸左丞相冠帶舊簪記

黃忠端公待漏圖記

徐雪廬夫子聽詩圖記

翁灝生三十六鷗水榭圖記

木雞書屋文鈔

目次

卷四

與許德水先生書

與吳江陸蘭堂書

與武康徐芸峴書

與友人書

與顧訪溪書

與方子春書

送湯文正公從祀孔廟文

告神文

熊襄愍周忠武軼事辨

乞留徐雪廬夫子仍主觀海書院狀
募溫將軍神袍疏

木雞書屋文鈔

目次

盧奕春
方金彪同校

木雞書屋文鈔卷一

齊武王論

平湖黃金臺鶴樓

昔莽之篡漢也聲罪致討者則有安衆侯崇嚴鄉侯信
徐鄉侯快莫不土崩瓦解魚駭鳥驚獨齊王續以豪傑
之資寬洪之量率八千子弟恢百二關河龍自天來虎
憑風起鼓新平之銳氣殲阜賜之游魂曾未踰年而火
井重明新都大潰雲開日朗慰十二帝之英靈電擊雷
奔復二百年之舊物功雖不終亦云偉矣假令王自膺
寶璽直取神京掃蕩關東廓清河北吾知英聲素著王
郎何敢詐立於邯鄲威望早隆公孫豈能恃強於巴蜀
赤眉稽首不用箠笞青犢歸心但須鞭指奚俟一十二
年之久而乃奏效太平哉奈何悍將主謀辱王竊位熊
羆解體傷駕馭之非人蜂蟄有心致英雄之殞命悲夫
雖然此其中有天意焉天意不在武王而在世祖故假
手於李軼朱鮪以除之非岐州被害周武帝未必登基
惟渤海先亡齊文宣因茲得國乃論者謂世祖能知善
惡而王莫辨賢姦幾以爲苻堅誤信姚萇身遭顛覆翟
讓不疑李密禍發幾微而不知許麗萌爲忠臣東平僧
號推彭寵爲良將北道稱兵世祖亦未嘗明於知人也
成敗論人是烏可哉以予論之漢之中興係王之力固
宜追加尊號配食先皇何當時君臣竟忘此舉耶夫子

元獨造晉家爰稱景帝乃伯符首開吳社僅贈桓王此
則有識之士所爲感慨歎歎而不自禁也

姜維論

夫蓋臣報國必思挽日回天智士臨危尙想出奇制勝
灰已寒而謀再燃燈雖燼而求復明其事無成其心可
諒吾嘗讀姜平襄傳而不禁感慨係之也當夫武鄉祖
謝後主庸愚地等彈丸國如累卵公獨力匡宗社貫日
心堅議復中原如雲氣盛嚴攻狄道特坡河間摧徐質
之英鋒走王經之勁旅斯固趙家李牧熟經邊事之難
楚國項燕不患強鄰之逼矣無何王靈漸替天命不長
應毒潛吹陰平險失豺牙密屬劍閣鋒摧人哀望帝之
魂君作降王之長斯時也公豈不能銜須飲血嚼齒穿
齦而猶苟且偷生逡巡緩死者何哉特以四百年之社

稷奚忍遽亡三十郡之封疆何容輕喪爰迺搆其二帥
離其三軍假使弗洩陰謀果成奇舉將如田單之圖樂
毅齊社復興文種之間伍員越邦再造可也而卒之喪
精欲隕漢祚終移智竭囊中身捐帳下惜哉或者疑公
策名魏室改仕漢家得毋違人臣不貳之義乎不知以
漢降魏者去就失宜以魏投漢者從違得正是故黃權
不返孟達出奔雖蒙一日之功名難免千秋之指摘公
則獨精識鑒烏能擇木而棲自命英雄虎且憑風而至
較諸龐惠之甘爲操死怒抗雲長郭循之僞受漢官刃
傷文偉真不可同年而語矣或又謂公疲民旣國致寇
窮兵昧居靜之宜失守經之理然而恢復不同兼并力

戰賢於坐亡欲挽狂瀾遑論成敗將扶墜闕敢計安危
彼祖述屯衆於雍邱張浚治軍於靈壁古今旋乾轉坤
之臣子皆公之遺意也不然以保小邦者爲上策以拒
大敵者爲無謀則閭宇之掩護彌縫譙周之依違觀望
反得謂之賢臣乎嗚呼臨兆之偉績猶存天水之英風
不泯非特膽如斗大俠烈堪稱實由心似丹懸忠誠可
剖宜乎孔明許爲上士士季嘆爲名流也若夫思遠竭
忠陣亡縣竹傳僉盡節鬪死陽安其舍生取義不亦卓
然人傑也哉

王導謝安論

粵自雙鷺出地五馬渡江東晉一百餘年士之生其間
者類皆風流是尙放達相矜此輩宜東之高閣矣乃若
元帝之朝王茂宏獨標重望武皇之世謝安石遠播隆
名國家尙爲安危鄰敵窺其用舍說者謂晉室諸臣二
人爲首然以予論之二人者可以欺當時不可以欺後
世可以欺後世之庸愚不可以欺後世之明智也嘗考
導之生平才遜夷吾虛聲竊據功非博陸機政久專族
大龍多心熏意滿當王敦發難之初尙能如國僑之誅
子哲成季之醢叔牙豈不壯哉而乃且却且前若茹若
吐迨至葬頭傳宛卓膺燃京此蓋皇澤未涸人心樂用

而導又詡詡然自以爲功焉夫趙穿肆惡良由宣孟之
包容乃蕩澤伏辜謂出華元之籌畧大義滅親果如是
耶至於伯仁之於導也情深簪笠義重山河叔向街冤
幸祁奚之論救左師無罪賴皇野之伸明奈何箭發暗
中刀藏腹裏忍絕交於平仲反報怨於子西導之所爲
若此而猶萬口揄揚四方稱頌然後嘆王述之正容相
責顏含之守禮不阿決不可少也矣又嘗考安之生平
當其烟霞適志風月娛情可謂潔清自好者乃累辭晉
室之徵獨赴桓溫之召谷永爲王根所薦孟堅依寶憲
而居良堪異矣旣而帝奕被遷簡文擁立安不能節同
鳳皇義繼杜喬而反屈已苟從望塵遙拜獨不思田蚡

勢大汲黯不趨司馬權尊王祥長揖安何自卑之甚也
幸溫卽死不然其能有陳平智計王允忠謀以除之乎
若夫事績之奇莫若淮淝之役然苻秦之敗以朱序之
徒洩其謀姚萇之黨伺其隙故安得坐享成功人第見
兵開北府師却西藩贊禪則不廢圍棋王霸則依然飲
酒以爲千古殊勲而不知有所依藉故也假令安有遠
畧自宜乘勝長驅遷夫差於甬東斃齊淶於濟北斯爲
大丈夫之志業耳一勝之威屢齒遽折陋矣然則二人
以外東晉竟無名臣乎曰非也觀於身遭圍困越石吹
笳志在勤勞士行運甕祖士雅臨流擊楫義氣淋漓溫
太真灑淚登舟忠誠鬱勃他若卞尚書之赴難桓內史
太雞書屋文鈔 卷一 六

之捐軀此皆立砥柱於中流振孤松於寒谷事關宗社
至大至艱功載史編可歌可泣以視導安之優游無患
文雅自居果孰賢耶雖然導安亦正有可取者導拒遷
都之議南土生全安明相士之方東州鼓舞則固非無
識之戴淵書空之殷浩所可及已

崔浩論

嗚呼君臣之際豈不難哉明如漢祖竟殺淮陰賢似唐
宗猶誅劉垺然彼皆嫌疑漸積寵渥日衰早虛三接之
恩爰致五刑之慘未有魚方得水遽被鼎烹鴻正過風
倖罹網密如北魏之崔司徒者也昔者拓跋嗣興清河
羽運浩以鄧仲華之弱歲展周公瑾之奇猷因風雨而
西征覘歲星而北伐南國有虎狼之畏東州無雞犬之
驚抵掌高談發蹤指示郭嘉料事動合神機杜預論兵
中藏武庫萬端千緒同陶侃之精詳四達八聰勝鄧翼
之明敏加以經通匡弼禮定張純劉向則數解五行鍾
繇則書工三體才包內外學貫古今宜富貴之通人且
太雞書屋文鈔 卷一 一

功勲之蓋世帝亦嘉其懋績隆以美名指貌以示高車
執手而誇涼使大官魚米詔餉劉超御服鶴綾命領盧
志錫寶劍於韓稜之第送屏風於毛玠之門君多雨露
殊恩臣際風雲盛會此則張賓之於石勒遜厥寵榮王
猛之於苻堅同斯優眷矣何圖禍福無定賞罰不常白
日當空陡起一時雷電清飈激水頓生萬丈波濤朱浮
竟致殺身吾粲可憐滅族天飛冤雪地起愁雲此功臣
義士所爲植髮衝冠椎胸而雪涕者也且夫浩之才畧
固六代所難能浩之賢勞尤五胡所僅有即使微瑕稍
積纖罪上聞猶將議故議功百年保護無嫌無忌十世
生全而乃推解未終刀鋸已及獨不思二十年連興兵

甲熊虎飛揚三千里廣闊輿圖犬羊殄滅是誰之力歟况乎古弼滅裁馬敘獲免嚴刑高允觸犯龍鱗曲加恩赦以太武之明非不確知忠佞洞識賢奸何於浩而前後矛盾也爰考浩之及難以國史故夫史也者西京載筆義不從諛東觀抒辭文當取實孫盛書枋頭之敗不避桓溫吳兢紀嶺表之流背狗張說浩之據成國紀刊置通衢未爲非也且以漢武之威嚴而司馬之謗書弗問以高洋之殘虐而魏收之穢史仍行浩奚爲獨不免哉而世之論者謂浩毀浮圖焚內典不信西方之因果遂遭東市之奇冤彼蓋以盧景裕念佛千聲繫獄而銀鐺自脫王元謨誦經百遍臨刑而刀斧忽停遂信其說本雜書屋文鈔 卷一 八

而不疑耳然而郭郡丞請汰僧徒傳太史乞除佛寺俱非釋教並得考終則又何說焉以予論之太武固失德之君浩究非保身之士假令浩急流勇退倦翼知還思驪嶺之難探懼虎鬚之類將宜乎追踪少伯並轡留侯矣奈何白水要盟黃梁酣睡才誇楊惲豆其招誹誘之疑氣甚孔融巢卵致傾危之禍犬牽上蔡何限傷懷鶴唳華亭不堪回首母亦我之懷矣自貽伊戚歟嗚呼君臣之際豈不難哉

周世宗論

三代以後正統之君則推漢文帝唐太宗宋仁宗明孝宗閔位之君則推魏孝文周武帝金世宗而周世宗亦其一也世宗生五代之季天地之禍極矣神人之痛深矣而能修通禮定正樂治律歷議兵刑壯志英謀獨超於一十二君之外宏規大度卓立於五十三載之間宜其得歐陽子之褒崇司馬公之贊頌也已今夫賢主臨朝致先渾厚暴君馭下令必煩苛於斯時也朱三則肆厥淫威王八則逞其黷貨錢鏐重賦徵及難魚劉龔殺人毒如蛟蜃何斯民之不幸遭此際之奇災帝則內苑錄囚外州布救貸米爲賑荒之要豈必求償均田爲致

本雜書屋文鈔 卷一

治之原特教頒法建初之清冤獄狠虎無虞元和之免田租鵠鳩立起此則帝之仁也且夫創業固須武畧守成亦貴雄姿乃者唐主日強末帝徒形涕泣石郎漸逼潞王祇是酣歌重貴聞耶律之侵鷹猶調弄承祐知滑州之急焉未收藏惟茲守府之不材致廢先人之成烈帝則高平力戰潞州解圍孫策起兵遂平王朗姚興新立竟破苻登迨至虎旅西征八百人盡投戈甲龍驤南下十四州悉入版圖李勢上表而稱臣梁元開門而獻欵旣而不遺一矢直取三關較之魏破柔然唐擒頡利無庸讓焉此又帝之勇也若夫知人則哲自古爲難存易不愧英雄段張以貨財得幸知這亦多識鑒楊史以

殘酷受知王氏十臣無非嬖佞李家五鬼都是奸兇帝則善別賢愚大明黜陟怒張美之供奉馮道之依阿竇儼陳課吏之章虛心採納王朴上平邊之策俯首聽從徐台符文學兼人鄭仁誨謙恭下士靡不如其顯秩待以殊恩且其所用者卽五代之士也子房歸漢始作名臣叔寶降唐爰成大將所謂玉藉良工而獻美木因大匠而成材是之謂矣此又帝之明也至於信神爲哲王所不免佞佛尤衰世所通行王審知親鑄釋伽高季興拜迎彌勒金經一卷李煜不厭披翻鐵槍三層劉鋹彌加絢飾帝則詔除祠宇禁度僧尼獨斷宸衷力祛羣議毀三千之銅佛鎔億萬之金錢謂四大皆空雖真身

木雞書屋文鈔

卷一

十

其不惜六根已淨況利物而何辭彼夫同泰捨身一人講經而說法湘宮造寺百姓帖婦而賣兒其相懸奚啻霄壤哉此又帝之正也況乎彫斂之餘道宜樽節亂離之後義戒荒淫何以蜀地繁華四十里花枝摇曳楚邦靡麗十六樓金碧輝煌或則地起繒山或則天開錦洞慨侈風之胡底嗟國運之忽諸帝則絲竹弗親珍奇悉却楊氏之翠瓶無用甘州之寶玉空輸晉武駕車牛網不須采飾陳高置膳蚌盤奚取雕鏤此又帝之儉也惜乎圖治雖勤夢齡不永四海之謳歌將遍羣瞻北斗星高六年之功績未成無奈西山日薄白兔之祥乍獻黑龍之讖旋興當孤兒寡婦之朝天意旣去留難測值朝

君真警之際人心亦向背靡常於是陳橋之變不旋踵矣不然世宗苟享國靈長勢必吳蜀全吞幽并俱滅社稷如苞桑之固子孫立磐石之基然則身上黃袍袖中丹詔何自而歸點檢也哉

木雞書屋文鈔

卷一

十一

燕王靖難論

夫太甲素稱令主原係湯孫成王已作長君何勞公旦吾觀明惠帝位登四載澤徧八埏雖東角密謀曾聽子澄之議而南昌請徙不從卓敬之言誅百戶以警宗藩歸三子以全骨肉帝於燕王洵恩威之並至亦仁義之曲全奈何暗舉黃旗妄思白帽陰柔狡獪作石虎之奸雄跋扈飛揚同蕭鸞之暴戾劉安夙懷不軌祇畏汲公吳漢早蓄異圖非關鼂錯蓋潛龍肆毒竟忘帶礪之隆恩抑病虎工謀無俟朝廷之激變也當其嫌疑初構離間迭生爲燕王者既無東平好善之懷又乏北海撝謙之雅宜乎束身詣闕上金符盤綬以自明俯首歸藩奉

本雅書屋文鈔

卷一

十二

黃縑白紵以贖罪此逆順之理應爾亦尊卑之分當然胡迺逞搏象之雄才恃格熊之猛氣欲清君側忍違韓義之忠猷廣集克徒反拒薄昭之苦諫遣應高以游說招柴武而合兵卒之燕子高飛連年暴骨龍孫出走薄海傷心其罪可謂深矣其禍可謂酷矣且夫燕師之初起也長輿偵於前曹國潰於後九門被奪三衛俱遷勇士八百人衝鋒犯銳大軍六十萬棄甲投戈已岌岌乎猛虎負嵎長蛟攪海矣繼而東昌大捷北阪幾擒恍如決勝水門射傷張郃何異疾趨肥水劍斬苻融方謂北平可計日而收西水當按時而復不圖人心未渙天命難知糧餼焚而魚鼈皆浮大樹拔而烏鴉驚散哥舒急

戰敗績乞降周處無援孤軍失利迨至金川早啟玉璽暮燔宮殿倉皇撫德昭而僞哭山河竊據奪正道而柅辱此則洪武之所唏噓而懿文之所痛悼者也然而輿情所向皆不隨神器爲轉移練中丞割舌何傷方文學剖心不悔鐵尚書就趙湯鑊尙能灑濕龍衣景御史祗刺草身猶復直衝鸞駕九重雖稱叔姪一死自定君臣而或者謂宋室孤忠僅聞袁桀周家殉難惟見韓通彼則易姓而未易致身此則一家而轉多抗節其故何歟不知建文以漢昭帝之穎悟兼宋仁宗之寬慈四海沾恩九州戴德而乃身遭蜂蠆室毀鴟鵂龍歸滄海以何年鳳返丹山而無地碧雲紅日後人且有餘悲細柳新蒲當日能無感泣縱打鐘自帝白兔翁原應天心而折矢不臣黃鵠子獨明大義文廟亦奈之何哉吾嘗攻諸明史見其竊位以後郤玉椀毀方書重風憲之司慎守令之選逆取順守巧學世民飾行修名無殊光義然勵精圖治良規亦足千秋而大節既虧公論難逃一字厥後高煦蹤其故智身燼銅缸宸濠法其奸謀頭懸白幟諺云其父殺人其子必且行劫者殆卽燕王靖難之謂也悲夫

本雅書屋文鈔

卷一

十三

楊忠烈公論

假使天心未改高廟有靈內無王聖之威權外絕江京之寵倖豈不萬年無事四海父安卽或魍魎弄人狐狸當路果能如陽球之收王甫立被刑誅韓琦之逐守忠卽時處置將見二十四罪不難禍戢黃虬一百八人何至冤沉白馬奈何一梟縱毒三虎交譁藏正士於東林陷善良於北寺三年碧血慘結甚宏八月飛濤怒生伍相嗚呼痛哉方熹廟之初登極也勢已披猖那將晚鏡公則手扶日月氣吐雷霆一寸心丹崇朝髮白王導抱托孤之任擁護龍樓呂端思顧命之言調停螭陛幼主深嘉其直節清流咸許爲正人遂由給事之官擢擢中

木雞書屋文鈔

卷一

十四

丞之職既而乾綱旋替社鼠生威朝事日非牝雞相煽銀燭畫地劉季述妄自尊崇珠袖工譏陸令萱生成嬌妒加以李邦彥浪子宰相許及之由竇尙書宵小成羣互誇六貴僉王得志何異八關公慮神器之將移恐金甌之欲墜絳騶載道白簡生風鳳觀日而長鳴豈遇邪而必觸陳蕃討曹節正在斯時李固論宋娥豈非其分然而寡不敵衆正難勝邪桓典之馬徒馳崔洪之鷹空擊蠅聲交聚斷難許其生還竭諸叢興務欲置諸死地卒至鐵釘貫耳銅鑄攢身空埋地下之愁莫救天公之醉誠可爲一哭二涕六太息者矣說者謂光宗玉體未寒金閨不保立毀小憐之齋閣遽遷大捨之粧臺事太

分爭身終罹既不知堅冰宜凜禍水必消彼選侍者乏忠之令儀秉胡芳之驕性苟噉鷺之移不早將野惟飛燕銜冤事繫安危心無適莫非社稷臣而能若是乎說者謂公之死也三木頻加謂其納賄五刑備受責以償金雖楊伯起暮夜四知心堪剖視而杜黃裳賂遺萬貫謗豈無徵不知兩袖清風一襟明月家惟琴鶴趙抃詎有餘財地少樓臺萊公獨留正氣除非蚯蚓始信爲廉奈此豺狼敢施其毒此又號呼莫白痛恨難消者也說者又謂孟博好名竟致顛厨遭厄子瞻負氣卒教洛蜀同傾大抵小人所譏彈每由君子之激烈何弗稍爲

木雞書屋文鈔

卷一

十五

委曲仗馬休鳴畧貶剛嚴寒蟬暫閉不知張禹縱饒經濟附王鳳而晚節不終孔光亦號忠良諂董賢而盛名頓失存心不妨渾厚大義豈可依阿不得以王曾之僞順晉公趙鼎之偶從秦相藉爲口實也又說者謂年將遲莫廣德懸車時值艱危季鷹引疾老驥尙何戀棧倦禽宜早投林賀興伯致命東吳難云明哲張茂先盡心西晉祇是愚忠不知公欲旋轉乾坤挽回宗社唐家多事緒遂良替笏難還宋室將傾趙汝愚鼎湖獨負願作九重之心腹甘殉七尺之軀骸若避禍倉皇臨危畏蒺藜公骨爲之鼓噫蘭以煎而彌馨玉以刖而益貴左袁一輩無慙九廟神靈田許諸人尙有十年餘臭彼乃貽羞

於萬口此亦何憾於九泉二百載養士深恩見勁草疾風之迹十三人忘身報國增泰山河水之光然而元氣凋殘人心潰散迨至炎精漸燼普天罹銅馬之災姬錄告終匝地起蒼鶩之變然後嘆人之云亡邦國殄瘁也晚矣

木雞書屋文鈔

卷一

六

仙說

粵自唾盤成癩叱石爲羊乘赤鯉而嬉遊喚黃鸝而傳語由是人希玉宇世羨瑤池化神化氣化虛漫加附會長年長心長德益事鋪張習漬金消玉之方盡驅白留青之術然而六靈十訣祇堪侮弄愚氓七返九還豈足牢籠智士謂余不信請舉數端不見夫王質觀棋局未終而滄桑頓變李班取石穴甫出而閭井全非食二桃而閱數春舐一葉而更幾世夫丹臺石室年華本謂絲長而紫府清都時序轉虞迅速反不若人間高壽可過期頤世上中年且週花甲此愚所未解一也更有張果化白蝠而飛明皇徵而卽死徐則駕赤龍而下煬帝召而立亡骨朽須臾魂歸恍惚則是熊冠鶴扇妄詡長生麒麟羊珠難延大數騰雲幻影識者早哂其言虛過電流光庸人猶稱爲屍解此愚所未解二也別有文成獻術旋爲武帝所誅干吉藏形竟被桓王所戮妖言不售巧技難施身伏歐刀恨東君之弗救事干法網嗟西母之無靈然則丹竈化金正是厭生之兆瑤房嗽玉適爲買禍之原此愚所未解三也他若曼倩爲漢室名臣人稱大隱青蓮是唐家才子世號謫仙韓琦乃紫府真人楊億亦武夷山主偶觸上天之怒氣罰蒙大地之塵容不知珠闕三千何罪而遭譴責試問碧城十二幾時得返真靈此愚所未解四也乃若劉聰僭逆受錄東夷姚

木雞書屋文鈔

卷一

十七

汨滅亡顯形南嶽張昌宗品如梟獍漫說成仙李林甫
心似虺蛇亦稱得道初意奸雄既歿宜罹十八獄之冥
荆誰知元惡將終早坐三十宮之寶位聞苑真納汚之
地神山寶藏垢之區此愚所未解五也至於夢綠降凡
麻姑下嫁張雲容曾吞絳雪私昵薛昭杜蘭香親捧玉
盃留貽張碩霧閣霞牕之際情太纏綿方壺員嶠之間
事多曖昧豈玉皇所不禁抑金闕所罔聞此愚所未解
六也若此者總屬荒唐全歸誕妄若果葆真養性縱齊
彭李而無難如能樹績揚名卽不喬佗而亦壽紫囊綠
後壺中之世界俱空黑棗紅蓮洞裏之烟霞奚慕莫信
絳都太史白晝飛昇休言碧落侍郎青霄遊戲彼張留
木雞書屋文鈔 卷一 六

侯蓋心社稷何妨僞托赤松顏魯公致命巖疆不礙名
依青簡於庠如二公者斯真神仙矣哉

木雞書屋文鈔卷二

平湖黃金臺鶴樓

何公子水仙吟館詩鈔序

早燕新鶯蕭子穎游思縣渺綠池紅藥謝元暉寄托清
幽出語芬芳無須懶祭吐詞雋逸奚取蟲螭蓋必胸中
具冰雪之懷斯能晚下生烟霞之氣何君子桑吾師蔡
閣司馬之嗣君也生秉西樵靈氣所鍾家承東閣雅吟
之後九齡出外謝超宗擅譽鳳毛萬里省親王子安叨
陪鯉對旁人以爲翩翩公子濯濯少年勢必晨展自尋
膏梁坐享揮謝家之玉柄擁王氏之金溝矣而乃被類
朱詹卧來久敝衣同到漑着處都穿往來則偏愛白丁
談笑則惡聞黃甲陶泉明之令子不事聲華蘓玉局之
佳兒惟工吟詠良由少輕世網早濯塵纓宜乎有墨皆
香無思不韻也方其從游若水隨宦吳羗霞塢風清聯
翩佳友月汀露滴宛轉吟鞭弔沈約之荒墳亂山蔓草
尋子昂之故宅流水殘陽極眺覽之幽衷寓纏綿於藻
思迨乎武林移駐湖上閒行泛青雀於中流命綠舫爲
前導六橋花柳競入毫端三竺烟雲紛披簡上夢逋仙
之梅影唱錄史之竹枝菊夫人舞袖飄零楊妹子詩篇
散佚則又低徊無限俯仰生悲者矣旣而別去西湖遠
來東海九山潮湧似助吟聲萬壑松寒欲催健筆蜃圓
寂寞豈無懷古之章龍塚蒼涼別有驚人之句本性情

之幽懷發烟墨之清光如此雅懷邈焉獨絕予也初逢鳳嶺誼切班荆重晤龍湫情深獻紆時聽解頤之說屢聞清耳之談每當雨到綠生風來紅掃幽鳥雙下寒蟬一鳴未嘗不對月與歌臨花拈韻寄閒情於魚蘊抽逸致於狼毫而況同附龍門源流素辨竝師馬帳得失深知雖秋夕諸篇元相自嫌少作而波瀾一致杜陵早許有成屬委一言爲之三復微雲河漢彌覺清華初日芙蓉迴殊雕繪此日挑燈卒讀贈君都尉之駕鴛他年送棹相思報我麻姑之蝴蝶

木雞書屋文鈔

卷二

二

方子春白華田舍詩集序

我友子春天姿特出慧業夙該蕭大園幼讀三都王僧孺少通萬本弱齡播譽朝霞新月之詞綺歲揚名白犬黃蜂之對既而笙簧六籍黼藻九流彩帙輝天丹函壓地下筆則馳驅燕許摘辭則出入曾王固已銀湧而金鳴鳳踰而鸞奮至於并包六代較轢三唐樹骨楚騷取材漢樂則君之詩尤爲詞壇之圭臬藝苑之鴻裁焉使其名冠螭頭夢徵鰲背珊瑚枝架赤藜火搖青一領宮袍韋綬得邀異數兩行花燭宋祁不愧風流將秋雲木葉之篇落日春風之句自可燁煌虎觀傳播龍樓然而否泰隨時窮通有命桐焦爨下始出奇聲劍閣函問獨衝寶氣君之所以學識日進者正因鵬池未奮瑩案彌勤志壹神凝彼登龍其奚慕才多業富雖失馬而何傷此非人之厄夫功名實乃天之振其風雅也故其爲詩也孤情遠照妙緒冥搜氣以鍊而愈充法以變而益上桃花流水原異人間芳樹白雲宛然仙境臨風弔古盡是激昂慷慨之音聽雨懷人無非悱惻芬芳之旨以視世之魚油璀璨麟楨斑斕驅狐士之篠簹烹雁王之香象相懸霄壤迥隔天淵雖然僕所俯首而傾心者猶不在是也今夫真儒相士不徒才藝之工君子觀人首重倫常之大君天真不置至性過人少痛萱花刻丁蘭之木像長依椿樹浣石建之中裊獵藏河濱鳥巢門上當困

木雞書屋文鈔

卷二

三